

以外而翠屏五峰畫錦諸山皆俛首伏脊於其下因想有  
虞君臣會朝之事不覺悠然神渺又憶在京都時嘗夢登  
高山眺遠今灼灼與夢無異故知遠遊非偶然者

登恒山記

楊述程

余夙覽五岳圖思嚮往其地久矣巳酉歲奉命觀察雲中  
恒岳實居轄內辛亥春欲以祀典往謁岳神未果是歲孟  
冬廿日直指潘公觀風澠水兵使者例得陪視明日潘公  
將有事恒岳余導驄而往南行十里許至磁窰口兩岸峭  
削如門大類吾鄉劍閣諸峽泉流峽中澎湃奔瀉碎瀾  
湍湍如建瓴而北爲神川山光嵐色皆莽蒼蔥鬱川之東鑿